

## Presentazion di “Il libri gjat”, il libri di figotâ

Sabide ai 20 di Mai, te sezion “Moderne” de Biblioteche di Udin, apontament pai frutins cu la leture animade, la mirinde e un libri in regâl par ducj. Par partecipâ e je conseade la prenotazion dentri dai 17 di Mai.

Simpatic, interatîf, sempliç, diret, origjinâl. Cui che lu à za vût let al à comentât cussì “Il libro gatto” di Silvia Borando (ed. minibombo). Un volum par fruts dai 3 agns insù che cumò al à ancje une version in lenghe furlane, cun traduzion par cure di Alessio Potocco, editade de ARLeF – Agenzie regjonâl pe lenghe furlane. “Il libri gjat” – chest il titul par furlan – al è un libri di figotâ, di strenzi e di cjapâ tal braç, te stesse maniere che si fasarès cul propri tui.

Daûr iniziative de ARLeF, il test al sarâ presentât ai piçui letôrs sabide ai 20 di Mai aes 16.30, te sezion “Moderne” de Biblioteche Civiche “Vincenzo Joppi” di Udin (rive Bartolini, 5). Dopo de leture animade dal librut che al vignarâ regalât ai fruts presints, al sarâ un laboratori interatîf par cure di Maura Storelli; ae fin e sarâ ancje la mirinde par ducj!

La iniziative, indreçade ai fruts des scuelis de infanzie e primariis, e jentre tal cartelon de Setemane de Culture Furlane – promovude de Societât Filologjiche Furlane – e tai apontaments in program par “Aspettando la notte dei lettori” dal Comun di Udin.

Par partecipâ ae iniziative si consee la prenotazion dentri di miercus ai 17 di Mai, telefonant al 04321743400 o mandant une email a [info@sportelfurlan.eu](mailto:info@sportelfurlan.eu)

Udin, ai 15 di Mai dal 2023

### INFORMAZIONS PE STAMPE - INFORMAZIONI PER LA STAMPA

**Ufficio Stampa ARLeF** CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<